



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






600019941U







GERARDI VROLIK O R A T I O

D E

VIRIBUS VITALIBUS, IN
OMNI CORPORE ORGANI-
CO OBSERVANDIS, IIS-
QUE CONSTANTIBUS.

P U B L I C E D I C T A .

A. D. v NOVEMBRIS A. MDCCXCVIII.

QUUM ORDINARIAM ANATOMES, PHY-
SIOLOGIAE ET ARTIS OBSTETRI-
CIAE PROFESSIONEM IN ILLUS-
TRI ATHENAEO AMSTELAE-
DAMENSI AUSPICARETUR.



A M S T E L A E D A M I,

SUMPTIBUS ATHENAEI, TYPIS CIVITATIS.

M. D C C X C I X.

189125 d-11

GERARDI VROLIK
ORATIO

D E

VIRIBUS VITALIBUS, IN
OMNI CORPORE ORGANI-
CO OBSERVANDIS, IIS-
QUE CONSTANTIBUS.

PUBLICE DICTA.

A. D. v NOVEMBRIS A. MDCCXCVIII.

QUUM ORDINARIAM ANATOMES, PHY-
SIOLOGIAE ET ARTIS OBSTETRI-
CIAE PROFESSIONEM IN ILLUS-
TRI ATHENAEO AMSTELAE.
DAMENSI AUSPICARETUR.



AMSTELAE DAMI.
SUMPTIBUS ATHENAEI, TYPIS CIVITATIS.
MDCCXCIX.

V I R I S

A M P L I S S I M I S

A T H E N A E I I L L U S T R I S

C U R A T O R I B U S

H A N C O R A T I O N E M S A C R A M V U L T

G E R A R D U S V R O L I K.

Il seroit bien inutile d'étudier la nature, de multiplier les expériences, de recueillir laborieusement des observations, s'il n'y avoit pas de loix fixes et invariables, si l'on ne pouvoit supposer les mêmes causes par-tout ou l'on aperçoit les mêmes effets.

MORVEAU,

GERARDI VROLIK
O R A T I O

D E

VIRIBUS VITALIBUS, IN
OMNI CORPORE OR-
GANICO OBSERVAN-
DIS, IISQUE CON-
STANTIBUS.

A

CU.

CUJUSCUNQUE ORDINIS CIVES HONORA-
BILISSIMI EXOPTATISSIMI

Si quis vel leviter ac quasi per transennam ad
Naturam animum advertat, immensam infinitam-
que corporum varietatem eorumque perpetuum
motum non solum, sed et vires, quae tam in-
finitimis, quam remotioribus, tibi mutuam agita-
tio actionumque vicissitudo percipitur, simul
exercentur atque exeruntur, statim sibi in ocu-
los incurrere, fateatur, necesse est. Nisi enim
quis plane caecutiatur, nihil in perpetuum stabile,
sed omnia mutationi esse obnoxia, atque conti-
nuam,

nuam in tota natura destructionem novam excipere et comitari rerum procreationem ac formam, ubique variisque modis cognoscendi atque observandi copiam sibi datam, vel primo adspectu lubens agnoscer.

Quum autem in omni rerum naturalium conditione, quae vel oculis vel auribus percipiuntur, eandem semper vicissitudinem mutationemque renovari atque instaurari constet, facile cuiquam injicitur cogitatio investigandique cupiditas, undenam certissima illa atque accuratissima, quam in rerum omnium conversione, motu atque agitatione tantopere admiramur, agendi norma, lex et praescriptio proficiscatur. Quem quidem nodum, quamvis difficillimum, expedire foret in proclivi, si primas simplicesque rerum causas, quibus omnia omnino corpora suam debeant originem, eruendi facultatem natura fuisset largita; at vero, quum mortales hanc in primigeniis, unde et ipsi et reliqua, quae oculis

mentique obversantur, suam deducant originem, seminibus ac principiis detegendis perscrutandisque tam malignam nacti fuerint naturam, ut ipsis, postquam diu multumque in rerum observationibus atque indagationibus desudarunt, non nisi in illis, qui constanter et indubitate inde producantur, acquiescendum sit effectibus, facile quisque intelligit, earum omnium rerum rationem tam crassis occultatam ac circumfusam latere tenebris, ut ad eam vel perspicacissimus quisque se caligare, palam profiteri sit coactus, neque eam in lucem se vocaturum, affirmare sustineat. Hoc adeo verum est, ut vel ipse acerrimus rerum naturalium investigator Newtonus ex diligenti effectuum contemplatione argumentationes conclusionesque deducere satis habuerit, nec sane quisquam ultra eos sibi progrediendum temere in animum inducat, quum enim ipsae, ut vulgo vocantur, sensationes motrici cuidam causae originem suam ferant acceptam, facile
cui-

cuius pater, neminem unquam alia animo fingere, atque cogitatione percurrere, nisi quae accuratissimis effectuum observationibus innitantur atque inde deriventur. Quemadmodum autem ipsa horum effectuum fedula consideratio contemplatioque in tenebris lumen menti nostrae praefert clarissimum, ita imprimis multum utilitatis affert exquisita status, gradusque naturalis singularum actionum cognitio, ad quam accurata tum modorum, quibus quaelibet actio vim suam exercent, tum conditionum, quibus determinata actio perficiatur, notitia accedat, quam maxime est necessarium. Haec si debita cura observentur et non nisi post seriam saepiusque repetitam meditationem de veritate ipsa iudicetur atque constituatur, nemo sane unus in dubium vocaverit, quin effectus illi, qui constanter, perpetuo, indubitateque producuntur, jure summo habendae dicendaeque sint certae ac definitae leges Naturae, quas vel ipsum Nu-

men supremum, salvo rerum ordine, immutare non posse videatur.

Quum autem inter Doctrinas, quarum publice juventuti tradendarum atque exercendarum munus, honorifice ad me delatum, solemni hocce die gratus sim suscepturus, illa, quae circa sanam integramque hominis conditionem, ejusque debitas ac justas functiones versatur, opportunissimam ipsas naturae vires atque actiones anquirendi praebeat occasionem, tum personae, quam sustineo, tum studii naturalis praestantiae, spectatissimorumque Auditorum dignitati consulturus mihi videor, si ex uberrimo hoc fonte deducta quaedam argumenta, tanquam rivulos, consecuturus, atque in medium prolata vobis ob oculos sim propositurus.

Naturales itaque, quibus tanquam Ministris in vita moderanda omnium rerum Arbiter utitur, modos investigaturus, dicam

de

de

Viribus Vitalibus, in omni corpore organico observandis, iisque constantibus.

Hoc autem argumentum ita tractare decrevi, ut rerum, quae ad hanc gravissimam pertineant materiem, summas non, nisi breviter attingam; cetera, quae aut minoris sint momenti, aut exquisitiorem sibi postulare videantur indagationem, silentio praetermittam, dum quidquid Orationi meae defuturum sit, vosmet ipsi facile cogitatione vestra estis suppleturi; quod ut mihi pollicear, efficit ea benevolentia, A A. H H., qua me alias dicentem audivistis, quamque mihi hac hora iterum vos non denegaturos, vestrae omnium frontes liberalissime prae se ferunt atque promittunt.

Quum natura, certis a Creatore legibus definita, omni tempore eadem, sub iisdem condi-

ditionibus eodem semper modo agat ac patiat, parum profecto refert, utrum causae, an vero effectus nobis illustrentur atque aperiantur, dummodo constanter ac perpetuo per leges, quae vocantur universales, oculis et animis nostris observentur: nec impedit ratio, quominus, hac notione praemisâ, vires et effectus promiscue nobis patefiant ac designentur. Nullus enim absque causa datur effectus, atque ubi cetera, inter se comparata, paria sint et aequalia, ex eadem causa iidem semper effectus praestantur atque eliciuntur. Causae autem illae seu vires, in quibus nostra versatur oratio, per omnes naturae partes dispersae, ubivis obviam occurrunt. Nullum enim omnino corpus invenias, in quo illae vires sese indagandas conspiciendasque non praebeant.

Praeter has autem vires mechanicas, corpori organico etiam alias concessit impertivitque omnium rerum Moderator sapientissimus, quae quidem

dem ex generali corporum ratione non sunt explicandae. Quamvis enim et illae philosophico sensu mechanicarum virium nomine insigniantur, quod absque motu nulla in universum producantur phaenomena, neque ullae eveniant mutationes; attamen hoc ~~is~~ peculiare est ac praecipuum, quod effectus proferant, ex universalibus corporum proprietatibus non deducendos, sed ex speciali duntaxat, quam organicam dicimus, compositione re vera dijudicandos.

Audiant haec atque animadvertant, qui corpora organica cum hydraulicis aliisque machinis comparare soleant sibi gratulentur, omnem vero cogitationem ac mentem a vi vitali avertentes eam prorsus negligant atque contemnant; quorum sententiam si sequare, sine ullo negotio ex quavis materia affabre fictam machinam, vivo corpori proportionem ac similitudinem aequalem et parem confeceris. Neque hoc loco a me impetrare possum, ut dissimulem, eos mi-

B

nus

nus. ex aequo mihi videri judicare, qui omnes corporis vivi mechanicas actiones summo cum fastidio spemantes rejiciant atque averfentur: mechanicum enim organorum agendi modum existere, luce clarius apparere, nisi me omnia fallant, contendere omnia licet, qui peculiares sibi que proprios simul praestant effectus, ex gravitate, aut alia quadam vi, quae corporibus quidem naturalibus, non vero organicis est communis, vix deducendos.

Si ad ea animum advertissent isti rerum naturalium investigatores, omnes illas de mechanica vivi corporis agendi ratione controversias movere superfedissent, nec tamdiu per hominum istorum socordiam in tenebris latuissent, quae hodie in lucem prolata gaudemus atque admiramur.

Forfan quis roget, sitne igitur tanta haec atque tam admiranda rerum mutatio in sana virium vitalium consideratione collocata? ita sane, A. A.

H. H.,

H. H., quas enim quondam in corpore vires fictas et commenticias existimarunt, adeoque ei precario tributas concesserunt, has hodie demum tanquam ipsius compositionis organicae effectus considerandas esse atque contemplandas, extra omnem dubitationis aleam est positum. Determinata quippe organorum structura, abunde satis constat, certos definitosque inde produci effectus. Quare eam prudentissime constitutam tutissime colligere liceat.

At nonnullos mihi videor audire objicientes, hoc pacto non nisi verborum cavillationes moveri, neminem enim in praeclaram illam ac tantopere laudatam partium corporis constructionem, quae actiones determinat, unquam penetrasse, peritisimisque Anatomicis, licet artificiosa manu vel subtilissimam organorum sectionem instituerint, sibi eius structurae detegendae oculisque subjiciendae copiam fore, plane esse desperandum.

B 2

At

At vero, si jam ejusmodi argumenta nostram evertere possent sententiam, ad omnes reliquas vires, quae dicuntur universales, in dubium vocandas satis superque restat dicendum. Organa enim, toto corpore intexta, tam incredibilem artificiosi divinique operis vim atque potentiam testantur, ut ingenio promptissimus, usuque exercitissimus rerum inquisitor ingenii imbecillitatem agnoscat, nec ullius in corpore actionis primas sibi causas esse cognitae aperte atque ingenue confiteatur, quamobrem singulas singularum rerum proprietates, atque inde ortos derivandosque effectus diligenter observasse, erit contentus, atque in iis accurate consideratis investigatisque acquiescere nequaquam gravabitur, probe sibi conscius, nullam in quaerenda veritate superesse difficultatem, si ex certis causis firmae nascentur conclusiones, adeoque in nostro argumento nihil amplius postulari, quam ex data compositione organica, ad determinatos, qui inde producuntur,

tur, effectus haud dubias colligere argumentationes. Quid enim? si quis semel, iterum ac saepius corpora ex alto in terram descendere suisque in lapsu declivi legibus esse adstricta observaverit, iis gravitatem tribuere, eamque vim nuncupare universalem, omnibus omnino corporibus communem, ne vel temporis quidam punctum dubitabit. Quidni ergo pari ratione physicorum gnari parum sua interesse existiment, utrum fibras musculares in quocunque corpore organico detexerint, dummodo oscillantes adsint motus atque agitationes, suamque de irritabilitate pro certo audeant ferre sententiam.

Quae cum ita sint, A. A. H. H., plane liquet, illas duntaxat pro veris certisque habendas esse definitiones, quae ex ipsis phaenomenis neque ex crassiori organorum structura desumuntur, eamque ob causam ab HALLERO propositam irritabilitatis definitionem non uno laborare vitio, licet vel magno experimentorum apparatu hanc

virtutem in folis musculorum fibris esse collocatam abunde satis se confecisse in animum induxit.

Praeposteram denique ac perversam ratiocinandi agendique rationem, qua nonnulli naturam non suis ac nostris vinculam adstrictamque esse cupiunt legibus, missam facientes, ipsos, quos corpora organica praestant, effectus consideremus, illas, de quibus heic agitur, nisi omnia me fallant, vitam efficientes servantesque facultates ubique detecturi atque nostris oculis intueriuri.

Si ad ea, quibus benigna Natura organico-
rum corporum prospexit conservationi, munera
diligenter attendamus, principem in iis tenere
locum sentiendi facultatem vel primo obtutu cognoscimus, quae tam in animalibus, quam
vegetabilibus adeo manifesta est atque conspiciua, ut illius certa ac tuta venerabundi intruemur

mur praesidia, quae maximam corporibus organicis afferunt utilitatem. Tolle enim insignem hanc organorum virtutem, et simul omnem cunctis animantibus ac plantis sui conservandi demferis facultatem; tolle exquisitissimum illum polyporum sensum, atque una omnem praedae arripiendae spem ipsis eripueris. Quid multa? sensibilitatem tolle, et pariter languidum torporem substitueris, unde inevitabilem omnibus viventibus necessario instare interitum, nemo non, vel me tacente, intelligit.

Ex iis autem, quae diximus, liquido constat, haec non significari veram illam sentiendi facultatem, quae ad mentem pertinet, vel qua animus sensilia objecta per corpus percipit, sibi quorum, quae sentit, plane est conscius. Corporea enim est, de qua hoc loco agimus; et ut vobis, A. A. H. H., omnem eximere velim dubitationem, corporea, inquam, est illa sentiendi vis ac facultas, quae omnibus et singulis corporibus

poribus organicis est propria, quinimmo hanc in defectis divulsisque animalium partibus nonnunquam aliquamdiu cernere licet superstitem.

Ex hac praesertim, stimulis percipiendis idonea, potestate omnes illos motus, quibus flores integri eorumve stamina genitali organo faemineo auram faecundam committere nituntur, explicandos esse existimaverim. Verosimile enim est, eo, quo praegnantia redduntur tempore pistilla, tenuissimam per aëra diffundi materiem, quae organis masculinis est loco stimuli, quo percepto, haud dissimiliter, atque ad lucem se inclinare et convertere plantae soleant, mox ad illam feruntur ac promoventur sedem, unde gratam jucundamque stimuli vim atque agitationem perceperint.

Ne vero, quem heic spectamus, organorum sensus adscitus, fictusque videatur, primo dissuadet subtilissima sentiendi facultas, quam non raro morbosae inducere solent affectiones; dein
im-

impedit exquisitissima illa, quae *ιδιόσυγκρασις* nomine insignitur, organorum sensibilitas, quam in viro gravissimo atque spectatissimo tam acrem et vehementem, ante quatuor et quod excurrit annos, observandi mihi copia fuit, ut magnetis attritatio ipsi tantas crearet molestias, ut vel ipsum lapidem Heraclium manu tenendi potestatem sibi omnino ademtam, atque ab experimentis instituendis sibi prorsus abstinendum esse, palam profiteri cogeretur: prohibet porro sextum, quod vocant, vespertilionum organum sensuale, quo in tenebris non solum quaecunque sibi officiant callide subterfugiant, verum etiam, licet oculorum usu destituantur, aliisve sensibus orbentur, nihilominus, cuncta evitantes obstacula, tutissimam sibi sedem eligant, et quum effugium sibi pateat, per aëra libere vagentur: dehortatur denique subtilissimus plantarum sensus, quo radices saepius plus triginta passus prorepfisse leguntur, ut salutiferum sibi quaerant alimentum.

C

At-

Attamen audacter haud negaverim, evidenti-
 satis ratione colligi non posse, quid in primis
 hanc facultatem constituat, qualisve sit vera ip-
 sius indoles, cum nec tactus, nec gustus, nec
 alius cujuscunque, quem in nobismet ipsis obser-
 vamus percipimusque, sensus vice fungatur. Ve-
 rum, quum plurimis haec res recta sit involu-
 eris, nec dilucide satis expedire quis possit,
 quinam proprie sit ille sensus, quo animalcula,
 quae dicuntur infusoria, impedimentis sibi alla-
 ris sese subducere, aut polypi, ac si Lyncæis prae-
 diti essent oculis, praedam arripere doceantur,
 nisi exquisitissimam organorum ejusmodi statu-
 mus stimulos percipiendi facultatem, hac argu-
 mentatione concludamus necesse est, subtilissi-
 mum hunc sensum esse per omne corpus orga-
 nicum, ad vitalitatis modum et normam, varie-
 ac longe lateque diffusum.

Quae cum ita se habeant, ad explicandum
 satis mihi quidem expedita videtur causa, cur
 aqua.

aquaticarum aliarumve plantarum flores masculi in conjugē sibi adjungenda nunquam alucinentur, sed suam ex multis semper sibi feligant uxorem. Aliunde quippe constat, irritationem inter ac perceptionem eandem non obtinere rationem, sed longe eas inter sese differre; five enim stimuli naturam spectes, five ad ipsas, quas afficit partes, animum advertas; ipsa natura duce, stimulos non nisi relativos invenies, ita ut iisdem, quibus organum vel integrum quoddam corpus vehementissime impelli videas, aculeis singula ejusdem organa totumve alterius animalis aut plantae corpus minus acriter moveantur atque concitentur.

Aqua tepida, qua vel ipsi oculi aspersi molli-ter ac blande afficiuntur, stimuli instar acerrimi ventriculum convellit et motibus infestat vexat-que spasmodicis: Aqua vero ebulliens omnem organicam animalium robustiorum compositionem corrumpit ac destruit, dum infusoriorum animal-

eulorum proles et germina , quae in frumenti granis lacte vivunt atque iis aluntur, nihil inde capiant detrimenti. Singula itaque corpora organica proprios peculiaresque non tantum sibi requirunt stimulos, sed et ejusmodi organa, quae suos cognoscunt atque percipiunt, ab aliis plane remota et alienata.

Sic *Vallisneriae*, mirificae illius plantae, masculi flores, mechanica natandi arte exercitissimi, eodem, quo ad aquae superficiem sponsae escenderint, tempore, suum, in quo hactenus inclusi atque abditi se tenuerant, domicilium relinquentes, in summam enatare aquam festinant, nec mora ulla est, quin vi quasi elastica praediti, perceptis sponfarum effluviis, sese explicantes perianthii foliola deorsum contrahant, et libere in summis aquis vagati fluitare, cumque virginibus, sese comitantibus, sponsalia facere ac nuptias inire possint felicissimas atque faecundissimas.

Haud.

Haud dissimili ratione palmarum mariti sese
flectere atque inclinare consuevisse memoran-
tur, ut in faeminas virtutem masculam transfun-
dant, quod pulchre jam cecinit CLAUDIANUS:

*Vivunt in Venerem frondes, omnisque vicissim
Felix arbor amat. Nutant ad mutua palmae
Foedera. Populeo suspirat populus ietu;
Et Platani Platanis, alnoque asibilat alnus.*

Quin immo stirpium quarundam stamina ordine
constanti, duo quandoque vel tria simul, viam ad
stigma affectare, auram genitalem emittere atque
ita praegnatione peracta, eodem pacto antheras
retrahere deprehenderis. In aliis vero anthe-
rae, acus nauticae instar, agitantur, ut stig-
mati illam partem offerant atque committant,
quae pollini effundendo maxime est accommo-
data.

Cum innata autem omnibusque viventibus

inſita ſtimulos percipiendi facultatē aliam, quae non minus late patet, nec minoris ad ſtatutum ordinem conſervandum eſt momenti, conjunctam virtutem ſilentio non licet praetermittere, opportunam nempe habilitatem, quae cunctis corporibus organicis eſt conceſſa, certo aequabilique, ſeſe ad ſtimulos contrahendi, motu, atque eandem, niſi actio violenta ſit impedimento, in organiſ tuendi ſtructuram, et priſtinam in ſingulis eorum partibus retinendi ſervandique normam ac ſitum, egregia convenientia reliquis longe anteponendum.

Haec ipſa vitalis facultas praecipua et efficaciffima mihi quidem videtur cauſa, cur ſua cuique organo ſit conſtans forma atque habitus, eaque viscera, quae abdomine incluſa reconduntur, quamquam per ampliffimam fere libere fluctuant cavitatem ac minus firmis tenentur membranarum expansionibus, eundem ſemper obtineant locum, et ad ultimum vitae terminum ſitum

sum suum fervent praestentque saluum atque incolumem.

Testor hęc, quae ex corrupta hac ipsa vi vitali dependent, organorum vitia; testor imprimis herniarum causas, quas haud raro ex diductis membranarum fibris, ipsarumque contrahendi facultate imminuta derivandas esse, mihi est persuasissimum; testor denique experimenta, quae corporis morte extinctam prorsus hanc esse facultatem demonstrant, adeo ut, quae antea gravi ferendo ponderi essent paria, nunc ne levius quidem onus sustinere possint.

Ab hac vero contrahendi virtute probe distinguendam esse existimo facultatem, motum producendi oscillantem.

Haec pari pasu procedit cum ipsa, quam indicavimus, stimulos percipiendi idonea facultate, quae pro vario suo gradu varia quoque ratione oculis se praeber conspicendam, nec minus univer-

verse in omni corpore organico observanda est
atque contemplanda.

Animum, quaeso, advertite ad *Polypum* et
plantam sentitivam; animalculi illius consue-
tudinem agendique rationem cum *Dionaeae*
Miscipulae assiduis actionibus comparate, et
summam inter utrasque convenientiam illico de-
prehenderis. *Dionaea* enim *Muscipula* multis
instructa atque ornata est foliis, ad partem cau-
lis inferiorem, radiorum instar, dispersis, atque
succulentioribus, quorum margo ac pars media
multas progignit spinas, quae ad se invicem ap-
propinquant, simulac folii superficies attingatur
et eo ipso exstimuletur. Hujus autem super-
ficiëi parti interiori plurimae inhaerent rubri co-
loris glandulae, quae liquorem, muscis deama-
tum, complectuntur. Quum vero illud animal-
culum in eo est, ut hunc humorem exfugat,
adeoque dictam superficiem arripiat, statim motu
celerrimo foliorum margines, ad se invicem ver-
gen-

gentes, animalculum illud includunt, eique spinis acutissimis vitae usuram eripiunt.

At quale jam heic obtinet discrimen inter modo memoratas et Polypi actiones? Utraque ex proprio oriuntur mechanismo, quo extincto, viribus deservae deficiunt atque opprimuntur, quae iterum excitari omnino nequeunt. Nonne utraque, et animal, et planta, stimulis agitata ad agendum impelluntur? Nonne eadem causa utrorumque commovetur atque concitatur corpus, cujus effectus pro organorum diversitate ad alium certum modum duntaxat redigitur atque immutatur? Stimuli enim perceptione utraque gaudent, et quae hinc proficiscitur, organorum spasmodicam subeunt agitationem, quam nisi *irritabilitatem* vocaveris, omnino nescio, cui vitali virtuti eam sis equiparaturus. Nec obstat, quod ne ullae quidem fibrae musculares conspiciendas se praebeant; si enim phaenomenorum species nobis appareat inter se esse simillimas, quid ve-

D

tat,

tat, quominus eorundem causas inter se quoque aequales ac pares esse concludamus? Neminem itaque in dubium vocaturum credo, quin polypus sit animal, insigni praeditum irritabilitate, etiam si ex plurimis constat observationibus, nullis musculorum fibris totam ipsius structuram discriminari; neque est, quod inter nos multum ambigamus atque disputemus, num ipsius membrorum motus ab irritabilitate sine derivandi, quamvis nec *Deltoidaeum* nec *Bicipitem* brachii aliosve musculos in iisdem inclusos comprehensosque reperiamus.

Plantae autem, ab heterogenæis contractae, perinde atque animalia moribus corripuntur spasmodicis et brevissimo temporis puncto vel folia contrahunt, vel alia spasmodicae agitationis offendunt indicia. Eadem omnino ratione vulnerata plantarum vasa, si acidis incutuntur corporibus, tanquam spasmate correpta, oscula contrahunt, quae, si ab his intemperata inca-

eta-

etque mansissent, per plures fortasse dies aperta exhibuissent.

Hoc etiam pacto *Momordicae Elaterii* pericarpum, pediculo solutum, summa vi semina emittit: percepto quippe aëris incitamento, quod pericarlo interiori haud naturales mover adjicitque stimulos, fibrae vegetabiles ad motus incitantur vehementissimos et semina quaquaversus disperguntur.

Stamina denique, praecipue florum, qui vocantur compositi, ut *Centaureae*, *Fabae* aliorumque, si ipsis stimuli admoveantur, manifesto motibus agitantur oscillatoriiis. Filamenta, antea in longitudinem porrecta, fere tota adinstar musculi, qui ad quemvis stimulum sese contrahit, flexa invertuntur, sibiue relicta, denuo explicantur, aliquando rursus novam subitura contractionem, adeo ut formosissima elegantissimaque oscillatio conspiciatur, quae non solum in integris, sed et in disiectis mutilatisve partibus ob-

fervatur atque cognoscitur. In nonnullis autem hanc motionem esse perpetuam, patet ex *Hedysaro girante*, cujus plantae, ex Indiis orientalibus oriundae, folia continuo motu ita ex ordine et tam regulariter agitantur, ut unumquemque in sui abripiant admirationem; nullo enim peculiari stimulo subdito, sursum atque deorsum assiduo ita moventur, ut dimidium circuli efficiant atque percurrant, et, dum in partem descendunt inferiorem, ramos quodammodo in gyros secum vertunt. Quum vero vel minimo impedimento eorum motus prohibetur, acgre illud ferentes affliguntur, hoc autem obstaculo sublato, viribus incitatis actum pristinum instaurant, et ad vitae usque terminum conservant.

Quicumque haec in animali ac vegetabili corpore phaenomena diligenter perpenderit, illi ad reliquas, quae virium vitalium vulgo dicuntur species, haud dubias traducere conclusiones, erit facillimum. Tam

Tam in plantis, quam in animalibus continuum sit humorum, quae vasis continentur, dispendium, nec minus deperditae quantitatis resectio atque instauratio, quae in utrisque analogaperagitur ratione. In animalibus interna intestinorum tunica multis vasculorum abforbentium instructa est ostiolis, quam minutissimae subtilissimaeque ciborum particulae, chyli formam praeferentes, ingrediuntur et vasorum chyliferorum vel lymphaticorum ope in massam sanguineam deferuntur.

Vegetabilia autem, visceribus licet orbata, modo tamen haud dissimili amisfos humores recuperant: horum enim radicibus, telluri humidac infixis, aliive materiae, unde alioverique possint, aquaticum praefertim nutrimentum continenti, immixtis ostiola vasorum, quae in extremis radicularum fibris patent, non secus ac intestinorum vasa sibi obvios humores ad se trahunt atque absorbent.

D 4

Si-

Sicuti vero plantae in foliorum superficie aliis gaudent poris, qui eidem, cui radices, usui inserviunt, et saepe tantum nutrimenti absumunt, ut vita totius plantae inde conservetur, ita et animalia, praeter absorbentia intestinorum vasa, quae oblatos sibi humores sorbillant, ostiis instructa esse, in cutis superficie, ut et in plantis dispersis, quin immo hisce solis vitae sustentationem acceptam esse ferendam, animalcula infusoria abunde satis demonstrant.

Quemadmodum in animalibus ex uno sanguine per varias glandulas aliaque organa varii humores praeparantur; sic quoque in vegetabilibus similem reperimus structuram, et, quae hinc determinantur, functiones. Tota quippe plantarum herbarumve compages organum efficit, non nisi succis praeparandis vehendisque praestitutum atque accommodatum. Prae reliquis vero attente inspicienda est ac commemoranda plantarum superficies, quae perinde ac animalium

cu-

entis ingenti glandularum numero est obfusa,
atque adornata.

Haec partium; quae ad secretionem pertinent,
similitudo et constant apparatus in causa est; quod
ipsa secretio in omni corpore organico ad tam cer-
tam normam aut legem huius interrupto officio per-
gatur, ut humorum indoles eadem semper ratione
mutetur, humoresque secreti tam in animalibus,
quam vegetabilibus sibi propriis ac peculiaribus do-
tibus insigniti conspicuique nunquam non obser-
ventur.

At, quoniam vereor, ne vestra, A. A. H. H.,
patientia abutar, si in illam naturae facultatem am-
plius sin evagaturus, hanc strictim attigisse con-
tentus, pace vestra, pauca dumtaxat adhuc subjun-
gam de aliis, quae reliquis evadunt ex potestate, si
non anteponenda sit; saltem acquiescenda; virtu-
te, qua; corrupta si fortasse fuerint organa ac muti-
lata, haec renascuntur atque renovatae productio-
nis

nis ope pristinae formae ac sanitati restituntur. Haec autem virtus omnibus animantibus et vegetabilibus adeo est communis, ut ne in artificiosissime composita humani corporis structura quidem desideretur.

Quod ita dictum nolim existimetis, ac si omnes omnino partes pro lubitu auferri ac de integro possint instaurari; nullius enim organi, ne simplicissimi quidem, redintegratur particula, si inducto vulnere organorum adeo inutata fuerit compositio, ut ex laesa solidorum structura inflammatio oboriatur.

Haec mihi, viderur ratio; quare in corpore humano et reliquis, quae huic proxime accedunt; animantibus, haec solidorum facultas minus vigena ac vegeta reperiatur, et partibus amisfis vel cicatrix obducatur vel mutilatio incurata ad mortem usque adhaerescat. At vero in his non tantum ossa restituntur integra, sed et ungues, si forte digitorum commissura incisa atque amputata

tata fuerit, quandoque in sequenti renascuntur articulamento.

Insigni autem prae reliquis hac virtute gaudent animalcula, quae vulgo, sed ut mihi quidem videtur, perperam, imperfecta vocantur. Nullum enim, quod proposito satisfacit, corpus organicum, sive sit animal, sive planta, unquam pro imperfecto est habendum, contra vero quidquid certo consilio praefinitoque scopo respondeat, quale est corpus, quod heic requiritur, sensu latissimo perfectum esse dicendum, quis dubitaverit? Haec itaque, organis instructa simplicioribus, amisso capite artusque restituant, et, quod quisque miretur, in quot antea divisa fuerint partes, tot inde denuo nascuntur animalcula perfectissima.

Quid vero de vegetabilibus dicam? In his sane prae ceteris viventibus perdita potissimum regerminant, nec tantum sine ulla obducta cicatrice corticem delibratum recuperant, sed omnes omnino eorum partes convalescunt, ac

E

no-

nova, polyporum instar, continuo recrescunt corpora, dum mater illaesa ac vegeta maneat superstes.

Hic autem, qui in solidis percipitur, agendi modus, haud raro per causas morbosas aliasve corporis organici affectiones a consueto tramite deducitur, adeo ut vel longe alii, ac soleant, humores producantur vel tota firmarum partium mutata indoles appareat et reliquus omnis organorum habitus a propria in aliam formam detortus inversusque reperiatur.

Sic summa admiratione obstupescit intuemur, ipsa arborum plantarumque folia, ovis gravida atque praegnantia, in tubercula increfcere, eaque nec habitu externo, nec indole, nec internis facultatibus cum sanis integrisque organis quodammodo esse comparanda.

Quum *Cynips* foliis querneis vulnus infligat, eminentia nascuntur tubera, quae et certa constantique figura et ceteris glandium quercinarum do-

dotibus distinguuntur. *Populus nigra* rumen-
tes *Aphidis* progeniēi offert foliorum sacculos,
et *Cerastii* folia ovis, quae *Chermes* peperit,
excludendis inservientia formant capitula.

• Illae autem ipsae minus usitatae actiones non se-
cus certis stasisque Naturae legibus sunt definitae,
quam illae, quas haecenus indicavimus, functio-
nes absolutissimae atque integerrimae. Mutato
nempe, qui organis admovetur, stimulo, mox
eorundem actio immutetur, necesse est; sive
enim stimulum, quo fibra viva movetur, sive
organorum constructionem mutes, eodem redit,
idemque assequeris, ac si totam inverteris stru-
cturam. Pro vario itaque stimulo, dummodo
sibi sit constans suique perpetuo similis, aequae ac
pro varia, at determinata tamen organorum com-
positione actiones erunt diversae variique ef-
fectus.

• Praepostere itaque illi tumores aliaque ejus-
modi corporum phaenomena Naturae diverticu-

lis, casibusve fortuitis adscribuntur; Nunquam enim Natura a praescripta sibi lege aberrat, nec casibus improvisis inopinatisve eventibus quidquam nascitur. Sin aliquando a consuetudine desciscere et a recta via deflectere Natura videatur, tantum abest, ut suo desit officio, aut in regulas, quae sibi sunt praefinitae, errorem peccatumve committat, ut omnia ex communi omnium voto ad corporum conservationem dirigat, eique servatis legibus sollicitè ac diligenter prospiciat.

Quoniam vero argumenta, in medium prolata, satis superque demonstrent, quo pacto vires vitales in omni corpore organico sibi sint constantes, praescriptamque, qua semper quid verum, quid falsum sit, judicare possimus, servant regulam, quid plura argumentor? quid plura disputo? Eo potius veniam, quo et officii sanctitas et hujus diei solemnitas me jam dudum moneant, atque invitent.

Ad

Ad Te igitur, Vir omni eruditionis laude clarissimè! cui tam publicae educationis, quam in nostrae patriae scholis et Academiis publicae institutionis cura demandata est, atque ad vos, Viri Gravisimi! quibus illustris hujus Athenaei dignitatis ac gloriae praesidio vestro tuendae, amplificandaeque munus est commissum, mea sese convertit oratio.

Quum ante hoc annum tam benignum de me meisque studiis fecistis judicium, ut Botanices docendae provinciam mihi credere nec dedignati, nec veriti fueritis, ab eo ipso tempore, quo gratus laetusque munus illud honorificum in me suscepi, totis in id incubui viribus, ut expectationem, a vobis de me conceptam, sustinerem, de nulla re magis sollicitus, quam ne praestantissima haec scientia, in quam summam curam ac diligentiam conferis, mea culpa quicquam caperet detrimenti, quippe qui nullam eadem unquam jucundiorē esse existimaverim,

quam quae ab iis proficiscitur, qui ipsi in laude
vixerunt atque semper vivere cupiunt.

Nihil itaque est, quod me non assecutum pu-
tem, quam meum vobis placendi studium, quo
meam in arte herbãria excolenda industriam
commendare atque probare jam ab initio annis
fuerim, non omnino displicuisse, certissimis in-
diciis comperire mihi liceat, dum novo me cu-
mulatum honore novoque munere a vobis hodie
ornatum videam: pro qua insigni erga me be-
nevolentia dignas satis, quas referam, gratias
non invenio, ago tamen habeoque maximas.
Eundem, quo me hucusque prosecuti fuistis,
favorem multis verborum lenociniis captare, mi-
hi non est animus, ac multa de me meisque in
nova, quam nactus sum, sparta pro ejus digni-
tate ornanda, futuris laboribus hac occasione
polliceri, quam omnia me vobis debere, intel-
ligam, vetat tenuitatis meae conscientia: hoc
amen promittere aulam, me, novo de vobis
ve-

vestroque Athenaeo bene merendi ardore incensum, mei officii partes omni corporis atque animi contentione implere; semper conaturum, et, quanta potero alacritate et vigilantia, id operam daturum, ut vos vestra beneficia in hominem gratum, qui ex animi vestri sententia rem gerere desiderat, contulisse rebus dehinc ipsis intelligatis; ita me vobis totum trado atque commendo.

Faxit Deus Optimus Maximus, ut vestris auspiciis vestrisque consiliis haec vestra per totum orbem celeberrima Musarum sedes laetissime floreat, ipsiusque splendoris non modo apud Batavos conservati, sed et indies magis magisque apud exteros propagati atque amplificati hilares testes diu fixis superstites, ejusque famam et dignitatem non nisi summa senectute confecti sanctam rectam servandam vestris vosmet ipsi tradatis nepotibus!

Ad vos accedo, Celeberrimi Profesores! quos juvenili jam aetate collegas salutare mihi gratissimum

sumum esse, summa cum veneratione agnosco. Quamquam nihil mihi exploratius esse potest, quam vester in me animus, cujus tot tantaque ex eo, quo in vestrum cöoptatus fui ordinem, tempore experi i mihi contigit indicia, pariamini quaeso, ut vobis, qui novam mihi dignitatẽ amplissimis verbis gratulati estis, atque ad hunc honorem, quem mihi decreverunt hujus Athenaci Curatores, evectum meamque conditionem inde auctam, et multis partibus ampliorem esse redditam, laetamini, denuo de meliori nota me commendem, omni officiorum genere vos demereri eo, quo caepi, pede semper perseveraturus.

Neque ingrati animi me ipse absolvendum judicarem, Celeberrime Machaoniae artis Antistes Bonni! si Te hac occasione tacitus praeterirem, qua personam partesque tuas, quas viginti sex et quod excurrit annos, summa cum laude sustinuiſti, excipere mihi hodie obtingit. Onus gravissimum
a tuis

• a tuis in meos humeros translatum, imbecillitatis mihi probe conscius, profecto vereor, ut ferre possint, nisi, suavissima studiorum ac jucundissima amicitiae necessitudine tecum conjunctus, in commune bonum salutemque publicam munus, quo tamdiu summo cum applausu te perfunctum esse, magna sane tibi gaudendi est copia, tanto felicius mihi cessurum augurer, quanto arctioribus adhuc vinculis tecum confociatus eadem humanitate, cujus ab ipso temporis puncto, quo in celeberrima hac urbe vitam transegerim, quamplurima mihi dedisti documenta, Te porro me complexurum, persuasissimum habeam.

• Quemadmodum igitur pro multis, quae summa liberalitate in me contulisti, beneficiis me semper Tibi gratum fore polliceor, sic in intimam familiaritatem, unde plurimum me jam profecisse, publice fateor, magis magisque recipias, rogo atque obsecro. Quem favorem si pro tuo erga literarum studiosos propenso animo, mihi, quā

F

do

doctrina Te longe inferiorem me agnosco, sed quem honesta tuis vestigiis insistendi aemulatione excitatum affectumque semper reperies, non sis denegaturus, ope tua benigne ac comiter sublevarus gloriam, quam egregia praestantissimarum disciplinarum cognitione, in primis singulari Anatomices artificio atque scientia consecutus es immortalem, tuendi ac confirmandi opportunam nanciscar occasionem; sic enim meo rite fungentem officio, prudenterque artificiosa manu corpora atque extra humana remanentem, me haud plane indigum successorem Tibi datum esse, laudabunt ac laetabuntur artis nostrae studiosi Juvenes, omnes hujus Urbis Cives, Illustris hujus Athenaei Proceres, meique Maecenates munificentissimi.

Diu te servet Deus salvum et incolumen, vitamque tuam, omnibus bonis ac fortunis beatam, in seram producat senectutem, donec vitae honorumque satur mortalem cum coelesti felicitate aeternaque laude sis commutaturus.

Vos

Vos denique compello, quotquot Medicinae, Chirurgiae, atque Embryulciae animum adjungitis operamque navatis. Vestras laudes detrectarem, atque in reverentiam, vestris summiis in me meritis debitam, gravissime peccarem, si vitae modestiam, qua aequalibus ac condiscipulis praeitis ac facem praefertis, si flagrantem discendi ardorem, quo et meam et aliorum incenditis industriam, si felicissimum multorum ingenium, quo meam ceterorumque, naturam investigantium, mentis aciem haud mediocriter exacuitis, silentio praetermittens, nostrae Patriae, huic Civitati, literis ac disciplinæ, de vestris tantum non omnium praestantissimis animi dotibus ac virtutibus haud gratularer, quibus humanae societati immortalia officia atque beneficia vos aliquando praestituros, ejusque splendida futuros esse ornamenta, auguror certusque confido.

Quemadmodum in Botanica, sic in Anatomica.

44 GERARDI TROLIK ORATIO.

mica arte totum me esse vestrum, ac nihil vestris commodis studiisque carius, nihil antiquius me habere, vos re ipsa experturos sanctissime promitto, recipio, spondeo.

D I X I

E R R A T A.

Pag. 26. lin. 17. offendunt *lege* ostendunt.

— 29. — 4. anologa — analoga.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10. PART 1. 1880.

